

Scheibenschlagen

2023

Nachname Vorname

Löschgruppe Graf-Gurnau

Grafer Kapelle /

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huiru d'Grafer dron.

Benedikt Franz - Bürgermeister /

Iatz mehta mar inserten Bürgermeister begrießa,
und tia als erschetes a schiene Raketa und an Böller schießa.
A so an Job, do muaß ma ichawochsa
weil in dem Geschäft gibt's an Houfa verschiedene Socha.
Ou beim Schirennen mocht dr Franz a guate Figur
und jogt die Pista ocha mit Bravour.
Franz, eppas tia mir in Graf-Gurnau nit gonz verstiah
weil bis auf Grins ins Mauli isch as z'Fuß zweit zum giah.
An Treffpunkt set insre Fuirwehrrhalla für alle wieder weara
die Gemeinderegla tia ins morz steara.
Dass dir da an Änderung tuat gelinga
tata mir dir sogar a Standli singa.

Hotz Edith / Graf 132e

Dia Scheiba tia mar weit außa schiaßa,
und damit die Edith begrießa.
Für 2023 wünscht dr d'Fuirwehr a guate Zeit,
viel Glück, Gsundheit und Zufriedenheit.
Miar hoffa du bisch z'frieda und die hat's guat,
und hoffentli fliagt dia Scheiba mit ara schiana Gluat.

Hotz Beate / Graf 132d/Top 1

Bei dr Beate gibt huira nix bsunders zum berichta,
deas macht` s ins schwar eppas hetzigs zum dichta!
Mir winscha dir für` s huirige Johr Glick und s` allerbescht
Und schiaßa die Scheiba weit ausa und zwar ganz fescht.

Fam Hotz Martin & Maggi / Graf 132b/Top 5

Aus d'r Gluat isch auða die Scheiba
iat'z tia mar a bissli beim Martl und der Maggie bleiba.
Miar wissa nit so recht wos mar dr anbieta sella
mir tata enk lieber öfter in Gurnau secha wella.
Beim arbeita isch der Martin alli ganz vorna dabei,
und derlebt auf dena Baustella sicher allerlei.
Ab dem Herbscht isch iatz ou die kluane Maggie aus dem Kindergorta,
mir sein in sicher sie kann dia Schual iatz kaum nou dr'worta.
D'Fuirwehr lasst dia Scheiba weit auða singa.
sie sell enk für's negscht Jahr viel Glück und Gsundheit in Graf bringa.

Fam Schröcker Hermann & Frida / Graf 132a

Dr Hermann tuat salber komposchtiera,
nur manchmal ab bissli zviel umaprobiera.
Die Asche war z'heiß es hot anfgonga brenna,
D'Fuirwehr isch ausgeruckt und mir hoba deas glei löscha kenna,
für d' Kiste Bier tia mir dir iatz no donkschia sogä,
und die Scheiba weit außajoga.

Schröcker Evelyn / Graf 132a

Schreiba data ma gera a schians Gedicht,
es muass aber blieba ganz schlicht.
Für die Evelin kimt ins huira nit allzu viel in Sinn
und im Internet isch ou nuit drin!
Dein Papa tuat deine Ausrutscher ou nit sogä,
rum kenn ma di nit weiter plogä!
Mir wünscha ins viel mehr Information,
a guats Sprichli war nocha der Lohn.
Dass dr weiterhin alles guat gelingt -
dia Scheiba bsunders weit aussä singt.

Dr. Thomas Jehle / Graf

Mir wissa nit was mir sella über die soaga,
drum wera mir die heuer lai a bissli bloaga.
Dr Zahnarzt Jehle isch iatz o schua a weil bei ins in Graf dussa,
ma sieht immer an haufa Patienta bei dir in und aus husssa.
Danach sieht ma sie mit dicker Backe und oft sei sie am bleara,
aber mit ama glungenen Eingriff kanns lei besser wera.
Für die hola mar no a Scheiba ausm Fuier raus,
und schloaga sie weit durchaus.

Landw. Genossenschaft / Graf

Bei der Genossenschaft siecht ma in letscher Zeit alli mehr,
Fahrzeuge dia schua aus wia vom Bundesheer.
Mit 3 Radla ganz praktisch und kluan,
da kimmt ma gwies auf jeden Ruan.
Mir hoffa die Belegschaft hat bei ins auf a Kiachla vorbei gschaut,
und mir hoba enk enkere Scheiba hoffentli weit gnuag aussa -ghaut.
Dass ou nächstes Jahr des Geschäft floriert,
iaz no an Böller detoniert.

FA Catering Schwarz / Graf

Arbeit muas beim Schwarz ja gnuag sei,
weil a guats Catering isch bei jeder Veranstaltung fei.
Und wie e jeder von uns weiss,
Qualität hat halt o seinen Preis.
So a hohe Inflation muas ma als Gastro Firma erst verdaua,
hoffentlich tuasch des nit alles beim Kunden drauf haa.
An haufa Arbeit wünsch mir enk für des Jahr,
a Scheibe schloaga mar für die weit ausi isch woll klar.

FA Kogoj / Graf

In einem Bus vom Kogoj fahr i sicher mit,
weil die Flotte vom Kogoj isch an Hit.
Sogar an Doppeldecker sieht am iatz voar der Garasch do stiahn,
do konsch ja mit einer groaßa Fuirwehr auf auf a Fahrtli giahn.
Miar wünsch enk viel Erfolg und schiani Reisen
Drum lossa miar ou nou a RAKETA kreisen.

FA Paznauntaler / Graf

Die gelbe Bus vom Paznauntaler sieht ma überoll umchakutschiera
und viel Leit durch die Gegend fiahra.

A schians Gelb , sall muass ma sogä,
hoba sie auf jedem Woga.

Dia Flotte vom Paznauntaler isch ou schua recht groaß
Drum lossa mir für enk nou a RAKETA auf d'Roas.

FA Walch + Plangger / Graf 134

Kanalbau und Wasserleitungen isch für die Firma Alltags' gschicht,
ma braucht a guate Planung weil sinsch die Leitung glei bricht.

In Graf beim Streng isch für des Planungsbüro a guater Standort,
weil oben wird plant und unta fahrt schua der erste Bagger fort.

Miar hoffa es habt' s viel Arbeit im nuia Jahr,
aber Kanal und Wasserleitungen wera bestimmt nit rar.

Dass wia immer alles passt und ou gelingt,
für enk nou a RAKETA singt.

FA Streng / Graf

Mit'm huiriga Schnee wor nou nit viel z'tian,
durm hoba die Loder miaßa in der Garasch drin stiahn.

D'r für sein ober die gelbe Auto wieder am Ries,
beloda mit Eard, Schotter oder Kies.

An nuia, riesige Laster sieht ma iatz olli vor der Firma stiahn,
da weara iatz wieder a paar Tonna mehr weitergiahn.

Dass s'Geschäft guat louft, lossa miar nou an BÖLLER krocha,
und daß dia Bagger und Laster ou olli a guati Orbat mocha.

Matt Patrick / Graf 130c/Top 1

Der Patrick isch als Fliesenleger an gefragter Mann,
Weil ma von deiner Siebschaft nit gnuag hoba kann.

Lei der Saisonjob tuat ihm numa tauga,
drum hat er angefangen um was anderes zu schauga.

Du kanntsich ou beim Lift um a Jahresstell froga,
oder überhaupt an nuia Weg inschloga.

Wia ou olli - du wearsch des passende schua nou finda,
Mir lossa dei Scheiba jz nou in der Sanna verschwinda.

Matt Annemarie / Graf 130c/Top 2

Dia Scheiba tian m'r weit außi schießa,
und damit Annemarie begrießa.
Miar wünsch dir viel Glück und Gsundheit,
und dass d'r bewahrst die Heiterkeit.
Bleib, so wie du bisch,
so munter, jung und frisch.

Fam Maidel Wilfried & Ofelia Maria / Graf 130b/Top 4

Der Willi tuat uanmal im Jahr beim Biera procka,
die Nachbarskinder zuacha locka.
In Gurnau steat ein riessen Boam in der Wiesa,
und von dem kann ma das schiane Obst geniessa.
An haufa Arbeit isch deas gwiess,
da isch ma glei a paar Tag am Riess.
Mit die Weihnachtslichter isch enker Haus,
sicher das schianschte Tal ein und Tal aus.
Die Scheiba tia mar weit außa schießa
und somit deas Sprichli abschließä.

Matt Michael / Graf 130a/Top 2

Als erschts reiba ma an Böller an,
dass der Michael woas, er isch dran!
Haisli baua deis kann nit jeder,
doch der Michael baut glei zwoa so an Streber.
Stein auf Stein, Wand auf Wand,
deis geht ja logger von der Hand.
Alluan muasch dies ja nit mocha,
weil deine zwoa Mädls lassens ou am Bau mit dir krocha.
A bissli wearads no braucha,
bis ma kann die Möbel troga aucha.
Schneerauma und Maschinen vermieten deis isch sein Job,
i gloab deis isch koan Flob.
A Sprichli deis isch olli schwar zum schreiba,
deswega lass mas iatz ou bleiba!
A Scheiba aus der Gluat,
dass sie bis zu enk aussu fliaga tuat.

Fam Berger Mario, Christine / Graf 130

Ja Mario, zum gsund bleiba,
muas ma immer wieder amol an Sport betreiba.
Ob Fuaßball da wirklich das richtige isch?
Isch doch egal, s Wichtigste isch, dass Du z'frieda bisch.
Bei di Alt-Herren in Pians kann ma sich a Spiel anschaua,
und sieht di fleißig auf dean Ball aucha haua.
Tua dir nit weah und schau auf di,
die Scheiba fliegt für di über Ruan dahi.

Fam Nitsche Kurdoglu Gerald Brigitte / Graf 135

Dr Gerhard tuat überall seine Spura hinterlossa,
sogar in der Türkei tia seine Werke nit verblossa.
Auf der Insel Burgaz im Marmara-Meer, ma tats it globa
stiah Wegschilder vom Gerald doba.
Mir winscha dir und dr Brigitte viel Gsundheit im huirige Jahr
und schloga die Scheibar weit übern Bichl - füwahr.

Steiner Sabrina Margaretha / Graf 131

Dia Scheiba tian ma weit aussu treiba,
gsund set` Sabrina no long bleiba!
A bissli öfters unter d` Leit kanntesch giahn,
deis war für ins Grafer und Gurnauer bsunders schian.
Bleib ins so wia da bisch,
so munter jung und frisch.
Die Fuierwehr lasst die Scheiba weit aussu singa,
sie sell dir fürs negschte Johr viel Glück und Gsundheit bringa!

Sailer Christian & Patscheider Karin / Graf 130d

Welches Land isch immer an Besuch wert, sollt ma Fernweah kriaga?
Gonz genau, Thailand, ma muas halt weit fliaga.
Dort hat der Christian Urlaub gmocht,
miar wissa alle, dass da die meischte Zeit im Johr die Sunna locht.
Als Ausgleich vom Malerberuf isch deas sicher fein,
da kann ma richtig abschalta und bei sich sein.
Miar winscha enk a feins Johr,
und schloga für enk a Scheiba durcho.

Fam Berger Mario Christine / Graf 130

Für inser Fuirwehrcasssa lossa dia Zwoa immer a Spende hupfa,
drum tian mir ou huiru wieder a Scheiba aus der Gluat aussu lupfa.
Bei der Christine gloab ma,
dass die Budi rockt,
als dass sie Dahoam umahockt.
Vor der Tür ischs decht ou schian,
deswegea sieht ma enk oft mit da Kinder spaziera giahn.
Für die Zukunft wünsch me ank s` Besch
und lossa an Böller krocha gonz fescht

Fam Horvath Erich Elisabeth / Graf 128a/Top 2

Beim Erich und der Elisabeth tia miar halt it viel derfraga,
drum tian miar sie ou it pflanza oder lang plaga!
Guat ganga isch im letschta Jahr alles zamm,
miar hoffa eas bleibat`s ou im huiriga fleißig drann!
Gsundheit, Glück und ou viel Segu sell enk s` Jahr bringa,
drum hoffa miar die Scheiba tuat ganz weit achi singa!

Fam Horvarth Thomas Denisa / Graf 128a/Top 1

Auf die Energiekrise hot der Thomas und dr Erich glei reagiert,
und dem Doch a Photovoltaik-Anlag spendiert.
Die Strompreise braucha enk iatz numme interessiera
weil iatz kennt's ja selber produziera.
Beim Kassiera kennt's ins ja des gonze zoga,
d'Fuirwehr tuat enk auf jeda Fall a Raketa auajoga.

Horvarth Martha / Graf 128

Als nächstes wer mar iatz bei dr Martha stia bleiba,
tief aus der Gluat houl mar für die die Scheiba.
Ma sieht die von November bis Februar lei ausm Fenster schauga,
der Winter tuat dir uanfach nit tauga.
Aber ab dem Frühling sieht ma die hoffentlich wieder dausa stia,
da konnsch jo nocha wieder sicher und eisfrei zur Kapelle aua gia.
Mir wünsch dir nou viel Glück im nuia Jahr,
Die Scheiba fliagt iatz nou weit oa ganz wunderbar!

Autohaus Zangerl / Graf

Iatz lass mar enkr Scheiba weit ausa fliaga,
im Autohaus Zangerl konn ma vom Neuwagen bis Service alles kriaga.
Seit nuim hobat` s es ou Isuzu bei enk am Platz dausa stia,
Dia nuia Autos funkla wirklich wunder schia.
Ma sicht ou olli an haufa Leit um dia Autos uma loufa,
Der uan oder andere weart ou sicher uans davon koufa.
Ou inser FF Auto hobats es huira wieder serviciert,
davor und danach die uan oder andere Kluanigkeit daran repariert.
Mir hoffa dass es ou im nuia Jahr wieder guat floriert,
Iatz nou an Böller laut explodiert!

FA Foodfactory / Graf

Wer hungrig isch der hat Glück,
der gönnt sich bei der Foodfactory a Pizzastück.
Der Umbau vo enk kann sich echt sehen lossa,
leider isch euer Parkplatz immer no a recht enge Gossa.
Nach getaner Arbeit keimma mir immer gern zu dir,
da gibt` s für uns immer a leckeres Essa und genügend Bier.
Dafür holla mar no a heiße Scheibe aus der Gluat,
und hoffa dass sie bis zu enk ausa fliega tuat.

FA Getränke Wille / Graf

An BÖLL'R lossa miar iatz zearsch krocha
und tian die negscht Station bei Getränke Wille mocha.
Uans isch fein, wenn miar a Fescht hoba,
kena miar Tisch und Bänk vom Dietmar gratis hoba.
Drum weare miar ou nit weit loufa
und inser Gsöff bam Dietmar koufa.
Wir wünschen ,daß nach der Pandemie deas Gschäft wieder richtig louft
Und der Dietmar viel Zuig verkouft.

FA Wille Harald / Graf

Seini Laster fohra Tog-aus Tog- i
Lond auf Lond ob, Tol - aus , Tol - in.
Er denkt si, wo an WILLE do an Weg,
drum kimmt überoll, wo du grad bisch so an orange -forbana SILO woga zweg.
Überoll draht er seini Runda,
und bringt Zement und onderi Socha zu seini Kunda.
Mit deem riesigenFuhrpark setsch viel Umsatz mocha,
drum lossa miar ou nou an BÖLLR krocha.

FA HW Bau Graf / Graf

Iatz bleiba miar bam HW-BAU stiahn und lossa an Böller krocha,
weil do geits uanfoch für'n Bau ollerhond Socha.
HW Bau in Graf isch ja olla bekohnt,
Tol aus-Tol in und im gonza Lond.
Man braucht nit waos Gott wohin loufa,
weil beim HW Bau komma zum Baua ou s'meischte koufa.
Ma heart ou nun guate Socha
und für die Freundlichkeit lossa miar ou nou an BÖLLER krocha.

Turner Johanna / Graf

Ja, wenn ma jung isch muass ma sich auprobera und amol schaua ,
da kann ma sich ruhig amol eppas traua!
D` Johanna hat wella auf ihre eigene Fiass stiahn
Und isch in a eigene Wohnung zocha, des kann ma verstiahn.
Aber noch uaner Nacht war ihr numa so wohl dabei,
isch Dahuam eppa decht recht fein.
Mit so am Lehrlingsgehalt hat mas halt decht olli gleim,
vielleicht isch es feiner, decht bei Mama und Papa zum sein.
Ausziacha kann ma olli, lass di nit stressa,
drum tian ma für di auf an Böller nit vergessa.

Turner Tobias & Schmid Katharina / Graf

Der Tobi hat sich gseht iatz isch es soweit,
i bin für a großes Abenteuer bereit!
Kurzerhand hat er sein Toyota Hilux hergeba,
ma isch ja nur uamol jung in seim Leba.
Mit seiner Freundin Katharina isch er iatz auf der gonza Walt unterwegs.
Wer woas , was ma da alles spannendes erlebt,
viele schöne Eindrücke, Erlebnisse und Erfahrunga wünsch ma enk dabei,
dafür schick ma iatz a Scheiba vorbei.

Fam Thurner Udo, Evelin / Graf 125/Top 6

Dr Udo und Evelin wollte Camping ausprobiera
und so tuat er in den Umbau von am Liefwerwoga in an gscheiter Camper,
investiera.

Ab zum Gardasee mit dem Wohnmobil, der Urlaub kann beginna,
manchmal tuat ou s' Wetter spinna.

D'Eveline ist z' kalt und tuat in dem Camper friera
so hoba sie decht mießa in a Hotel ichaspaziera.

A gscheite Standheizung weard's iatz wohl geba
dafür lossa miar iatz a Scheiba weit außa segla.

Kathrein Anni / Graf 129a/Top 2

Dia Scheiba dia mar iatz toll außi schwinga,
die soll viel Glück und Gesundheit dar Anni bringa.

Für des Jahr nur es aller bescht,
der Böller soll krachen und zwar fescht.

Ruetz Johannes / Graf 125/Top 2

Den Johannes dunkt's fein in seiner Wohnung in Zams dunta,
seicha tuat man aber nit viel, tuat er decht arbeitstechnisch viel im Ausland uma
hundna.

Dabei hat er festgestellt -des Fliegen hat seinen Preis,
vor allem wenn ma zwoamal muas den Flug zahlen, so ein Scheiß.

Hat er decht den Flieger verpasst aufm Weg von Innsbruck nach Frankfurt,
des Gate war zua, der Flieger schua furt.

Aber des kann decht ou da beschta passiera,
des tuat überhaupt nit geniera.

Sinst isch der Johannes fleißig bei der Rettung und der Feuerwehr engagiert,
auf dass mir weiter auf die zähla derfa no a Scheiba weit ausi marschiert.

Ruetz Jakob / Graf 126/Top 5

Dem Jakob tia mr als erstes glei gratuliera,
als neuer Kommandat der Löschgruppe darf er sich in Zukunft die Wadl schmiera.

Was da übereuoma hosch, des sein kuane kluane Aufgoba,
aber da wochsasch icha mit Unterstützung von da Kameroda.

Ou beim Rettungsdienst in Zams hasch deine Finger im Spiel,
des Ehrenamt scheint dir nit weara zu viel.

Hobbytechnisch isch er ou alli offen für nuie Socha,
allaweil steht auf'm Programm den Jagdschein zum mocha.

Viel Gelingen, dass des alles bringsch guat unter an Huat,
dafür hol mar no a Scheiba aus der Gluat.

Ruetz Lea / Graf 125/Top 2

Nach vielen Jahren in der Schual war's endlich soweit,
die Matura ruckt näher, endlich kimmt sie dia Zeit.
Als Vorbereitung für'n Maturaball hat die Lea an Tanzkurs absolviert,
damit der Eröffnungstanz guat ausschaut und ma nit die Nerven verliert.
Miar hoffa an deam Obad war für di alles guat,
so hola mar iatz nit nu a Scheiba aus dar Gluat.
O an Böller lossa mar krocha und hoffa dass ma dean guat heart,
dass o bei deiner Matura viel Glück hosch und alles guat weart.

Fam Ruetz Markus Christine / Graf 125/Top 2

Als Österreichischer Fuaßballfan gib'ts a kluans Lond deas ma nia vergisst,
miar reada vu di Färöer-Inseln, deas hat bestimmt fascht an jeder schua gwisst.
Wissa tian mar aber kaum eppas über deas Land,
Christine isch da hin gfloaga kurzerhand.
Deas war sicher an schianer Aufenthalt, Du hosch gseacha viele Socha,
über deas Lond kanntasch ruhig amol an Vortrag mocha.
In der Zwischenzeit isch dar Markus mitm E-Bike am Weag und fohrt auf di Berg,
soweit aucha, bis ma kuane Leit und kua Auto mia heart.

Korber Stefan / Graf 126a

Huir hoba mar d Stefan s'erschtmal auf der Listra drau
und joga an Böller bsunders weit durchau.
In dr nui Wohnung hosch die inglebt schu guat
dafür hola mar iatz a Scheibe aus dr Gluat.
Bei dr Fuirwehr tia mar alli Mander braucha,
und nocham Einsatz mechta mar mit dir amol a Birla saufa.

Mangott Silvia Schneider Joachim / Graf 129b/Top 1

Vom Joachim und der Silvia kenn ma nit nuis berichta,
obwohl es gab sicher a paar Gschichta.
Dia Scheiba isch aussu aus der Gluat,
mir hoffa es der Silvia und dem Joachim guat!
Gsundheit, Glück und s'Allerbescht wünsch ma enk heint bei insem Fescht.
Das enk des Jahr 2023 des Allerbeschte bringt,
zum Schluss a Rakete in Himmel aucha singt.

Fam Nöbl Hannes Petra / Muntlix

Dr Hannes - so viel kenn mar mit Sicherheit sogä,
muass sich in Dornbirn in der Schual mit die Schüler ploga.
Bei deinem Job kann ma schua guate Nerva braucha,
aber des tuat den Hannes nit wirklich schlaucha.
Ou privat bisch viel mit der Family am Weg,
Trotzdem bleibt olli nou die Zeit auf an Absacker mit dem uan oder anderen
Kolleg.
Hoffentlich konnsch des ou weiterhin nou sou vital betreiba,
iatz hau mar nou weit ausa deine Scheiba!

Fam Schlatter Engelbert Stefanie / Graf 121/Top 1

Der Steffi und dem Engl weard iatz zearscht an RAKETA und an BÖLLER
spendiert
Und zum 50 iger Hochzeitsjubiläum gratuliert.
Weihnachten hoba sie denkt, mocha miar ganz entspannt
Und hoba kurzerhond an Sporturlaub geplant.
Das Tiroler Unterlond mit den Schneeschuach erkunda
Und evtl. ou mit den Longlaufschi a poor Runda.
Dass ober kuan Schnee isch, tuat sie nicht irritieren
Hoba sie holt miassa ohne Schnee schuach marschieren.
A Wiederholung, sall war decht glocht,
weard vielleicht huira wieder gmocht.

Fam Schlatter Harald Melli / Graf 121/Top 2

Dr Harald isch an viel beschäftigter Man,
der vieles woß und einiges kann.
Ma sicht ihn am Traktor uma schraufa,
oder ou im Stall wenn die Perd was braucha.
Die Melli geat dir ou fleißig zur Hand,
dafür gibt´s im Summer aun Urlaub in ma fremda Land.
Bis zum Strand nach Italien hat er sich draut,
Aber ou da hat er sich wahrscheinlich um an Traktor umgschaut.
Hoffentlich hobat´s den verdienten Urlaub trotzdem genossa,
mir hoba enkr Scheiba nou weit oa gschossa.

Larcher Thomas & Manuela / Graf / 126A

Dia Scheiba tian ma weit aussu treiba
und bei der Manuela und dem Thomas stiahn bleiba.
Bei der Manuela muass ma wirklich sogu,
ma tuat halt gar nix nuis dafraoga.
Hoffentlich tuasch di negschts Jahr wieder viel unter die Leit umcha treiba,
damit ma wieder kenna, mehr von da schreiba!
Negsches Jahr heara ma vielleicht nuie Gschichta,
dass ma wieder kenna a guats Sprichli dichta.
Iatz sein ma fertig mit inserm Schreiba,
drum tian ma iatz a Scheiba weit aussu treiba!

Perktold Michael / Graf 127/1

Auf der Liste isch iatz der Michael als negsches drauf,
da kenna mar a Gschicht, dia darzeahla ma iatz genau!
A Wett isch er mit seim Chef ingonga,
wenn er verliert tat sein Chef halt a Pferd vu ihm verlonga.
Fünf Kilo muass der Michael in uam Monat verlieru,
da kanntesch Disziplin und Zielstrebigkeit demonstrieru.
Schwar wird's allerdings nochu,
wenn da Chef alltag mitbringt feine Sachu.
Fleischkas und Kuacha jeden Tag,
sogats ins epparn, der dies nit gearu mog!
Schlussendlich isch sich dies nit ausgonga,
kann denn an Chef a gonzes Pferd verlonga?
Der Michael hat aber an Ausweg gsuacht
Und statt am echta,
a Schaukelpferd vu seim Konto buacht.
Ja Michael an jeder tuat was er kann,
dia 5 Kilo sein eppa olli no dran.

Fam Kobler Gerald & Gabriele / Graf 127/1

Mit deara Scheiba tian miar iatz bam Gerald und Gabriele bleiba,
nur von der Hennafarm kenna miar nit olli schreiba.
Strom sparen, hat die Gewesslerin gschriebru,
drum sein viele Weihnachtsbeleuchtungen dunkel bliebru.
Das hot ober den Gerald nit irritiert,
er hot z'Weihnachten wieder die Beleuchtung herrlich installiert.
Miar lossa iatz nou a RAKETA giahn,
weil dös isch wia jedes Jahr olli schian.

Plattner Kathrin / Graf 118

Ou 2022 - des war fast klar,
War sie auf Urlaub am Gardasee $\frac{3}{4}$ vom Jahr.
Des isch iatz wahrscheinlich decht übertrieba,
aber du bisch hallt a Zeitl da dunta blieba.
Da kannsch du fleißig deine Hobbys nachgia,
Am Abend sicht ma dei Radl wieder sauber am Camping Platz stia.
Dahuam sicht ma die höchstens in die Fahrschual marschiera,
Da tuasch du sämtliche Kurse und Ausbildungen organisiera.
Den Job erledigsch du ou richtig guat,
Iatz houl mar nou die Scheiba tief aus dr Gluat!!

Plattner Christian / Graf 118

Du hasch die Arbeit schua länger in Deutschland douba,
An an Wechsel nach Österreich kann er selber schua numma glouba.
Du hosch die schua länger um was anderes umgschaut,
Lei bis heint nuit gfunda was dir taugt.
Gleich verhaltet sich's mit Häuser koufa,
Es will für die uanfoch nit wirklich loufa.
Des Nachbar Haus hosch dir ongschaut,
Des hosch die am Schluss ou nit koufa draut.
Hoffentlich konnsch huira was nuis für die finda,
Iatz lass mar dei Scheiba in dr Sanna verschwinda.

Fam Plattner Wolfgang Angelika / Graf 118

Im Winter hoaba mars zum verdanka
sinsch tata die zwoa s'gonz Jahr am Gardasee umaschwonka.
D'Angelika tuat beim Chor in Pians ihr bestes geba,
und dr Wolfgang weard beim Bastla a Bierla heba.
Dass gsund tiat's bleiba
tia mar enk die Scheiba weit ausa treiba.

Seidlböck Florian & Anna / Gurnau 116/Top 1

In die letzten Jahre isch eppas in Mode keama,
ou nach Corona, lassa mar ins deas numma neahma.
Viele Socha hoba Online stattgfunda,
da kann ma ou iatz mocha seine Fitness-Stunda.
Bauch, Beine, Po ... deas sein die Zauberwörter der Zeit,
und wenn ma da nit ausm Haus muas, isch ma viel schneller bereit.
Auf enkar Wohlbefinden und die Gesundheit,
schiaßa mar iats a Scheiba ganz weit.

Fam Senn Arnold Ursula / Gurnau 117d

Dia Scheiba was iatz kimmt,
dem Arnold und der Ursula hoffentli viel Glück Huira bringt.
Für die Biena tuat er si olli nou fesscht ongaschiera,
ober iatz mehr auf neue Völkerzucht konzentriera.
Dia Orbat sett eppas bringa und guat loufa,
weil viel Jungimker bei ihm nocha dia nuia Völker koufa.
Miar wünsche am Arnold gonz fescht, daß deas Kreuz mitm Kreuz besser weard
Und lega dr'für nou BÖLLER in d'Eard.

Fam Senn Werner Brigitte / Gurnau 117b/Top 2

Dr Werner und di Brigitte hoba dahuam a mords Bauprojekt,
in dem viel Zeit und Herzbluat steckt.
Do gibt's viel zum Plana, Bstella und Hondwerker suacha,
nocha weart wieder s'holb gliiefert, do kannt ma oft fluacha.
Dr Werner pockt salber fescht on und spuckt in di Händ,
di Brigitte raumt hinterher und mocht a guate Marend.
Iatz isch bold a End in Sicht, es miaßt's numma long worta,
nocha kennt's entsponna in enkerem schiana Wintergorta.

Fam Schütz Manuel Regina / Gurnau 146/Top 2

Ums Haus gibt's alli eppas zum tian,
nu so bleibts umadam gepflegt und schian.
Im Manuel und dar Regina isch deas o wichtig und da wird investiert,
kurzerhand hoba sie a nuis Tor zu ihrem Grundstück installiert.
Wia ma heart sollt deas recht groß sein,
zum infohra und rangieren isch deas sicher recht fein.
A Scheiba übern Bichl, so wia alle Johr,
sett segla und fliaga weit durcho.

Fam Schütz Erwin Christine / Gurnau 146/Top 1

Beim Erwin und der Christine isch es iatz schwar gwoara zum spioniera,
weil iatz haba sie anfanga an Zaun zum montiera.
Ruhiger isch es iatz auf alle Fälle gwoara,
und vorallem hat ma iatz mit dem Wildwechsel kuan Zoara.
Iatz hoff mar halt die Christine tuat mit der Schneafräsa die Kurva dr'mocha,
und nit aus Versehen ins nuie Schiebeter eia krocha.
Aber Huira hat`s ja nit so viel gschnieba,
drum hat sich der Erwin liaber bei seiner Drechselmaschin umma trieba.
Gmacht hat er lauter schiane und ou praktische Socha,
ma globt nit was ma mit so ara Maschin nit kann alles mocha.
Miar wünsch enk no viele schiane Tag ohne Plog,
iats werd enk no a Scheiba gschoßa, mit am ´kräftiga Schlog.

Schimpfössl Sarah Jehle Florian / Gurnau 117 Top3

Die Sarah und dar Manuel hoba im letschta Johr a Bauprojekt finalisiert,
und zu ihrem Haus a nuie Garage installiert.
Da hot ma Platz und es tunkt uan richtig fein,
deas macht so Sinn, a so soll o sein.
Miar sein olli froah um Gäst, dia beim Scheibaschloga nit glei huam giahn,
da gibt's guate Gespräche und es isch uanfach schian.
D'Sarah und dar Florian wora letschts Johr am lengschta da,
da haua mar glei an Böller durcho.
O huira gfrea mar ins aufs uane oder andere Bier mit enk,
die Scheiba fliagt außa mit am rießen Schwenk.

Haslacher Andreas & Verena / Gurnau 117 Top2

Was gibt's schianeres auf der Welt,
alls wia wenn a nuis Leaba insertn Alltag erhellt.
Alles Guate zur Geburt vu enkarm Kind,
da schiaßa mar a Raketa ganz gschwind.
A Madli ischas gwoara, Sophie Rosa weard si genannt,
es liegen aufregende Jahre vor enk, seids lei gspannt.
Viel Glück enk als Familie wünsch enk d'Fuierwehr,
und iatz fliagt no a Scheiba darher.

Haag Mathias / Gurnau 117a

Beim Mathias war's iatz soweit,
ou er kimmt nit drum herum um die Bundesheerzeit.
Mir sein ins sicher, du hasch glernt allerhand,
sicher ou wia ma anlegt des griane Gwand.
Sinst sieht ma den Mathias fleißig in Zams dunta fuaßballspiela,
Hoffentlich gelingt's dir ja des ein oder andere Tor zum erziela.
Mir wünscha dir für's nuie Jahr lei des Allerbest',
und haa iatz dia Scheiba ausa no ganz fest.

Haag Thomas / Gurnau 117a

Den Thomas hat's für's Wirtschaftsstudium auf die Uni nach Innsbruck
verschloga,
seit dem muas er sich zwischen Gurnau und Innsbruck hin und hea ploga.
Nebenbei arbeitet er beim Heiko Finanzcoaching zum bissli Geld verdiena,
des bringt Erfahrung und des Leben lasst sich leichter bediena.
Seine körperliche Fitness tuat er ja beim Fußballspiela in Pians trainiera,
bissli an Ausgleich muas ja sein, nebam Studiera.
Dass dir weiterhin alles guat gelingt,
dia Scheiba bsonders weit außi singt.

Fam Haag Sabine u. Peter / Gurnau 117a

Dr Peter tuat iatz mit'm TIWAG-Leibali umcharenna,
für den nuie Job tia mar iatz glei an Böller anbrenna.
A nuie Heizung tuat er sich ou überlega,
miar sei gspannt, woas deas eppa weard geba.
Sabine sieht ma beim Yoga und nit lei beim Spaziera
sie tuat alli mia trainiera.
Dass dr Peter in Zukunft no mitholta tuat,
hola miar iatz a Scheiba aus dr Gluat.

Pfisterer Peter / Gurnau 144

Dass dem Pete sein LKW guat taugt,
sicht ma wenn ma sein „smile“ hinterm Lenkrad anschaut.
An gscheida „Hiab“ hinta dron,
Auf den er ou die Lavette montieren kann.
Und muass er nit grad des Zuig zur Baustell fiahra,
sicht ma ihn damit die uan oder andere Felsvernetzung montiera.
Mittlerweile isch er beim LKW fohra fast numma zum schloga,
lei mit´m Tieflader tuats ihn a bissla ploga.
Aber ou des wearsch du bis zur Pension nou in Griff kriaga,
Mir lossa die Scheiba iatz nou weit oa fliaga.

Pfisterer Dieter Christine / Gurnau 139a

Mir hatta gera g'schriebe a längrs Gedicht,
nur kriag't ma enk sehr selten zu G'sicht.
Ma sieht die Christine ab und zu im Auto hocka,
da mias m'r die in Zukunft mehr ausi locka.
Vielleicht wissa m'r no mia G'schichta,
über dia m'r kenna negscht's Johr berichtla!

Wolf Christina & Raggl Simon / Gurnau 145a

Die Christine und der Simon mechta mar auf insarer Liste begriaßa,
drum weara mar glei a Raketa aucha schiaßa.
Die zwoa hoba in Gurnau a Häusli baut,
deas wirklich liab und schian ausschaut.
Ganz viel hoba sie dabei selber gmocht,
deas macht uam a Freud, und o s'Bankkonto locht.
Miar Hoffa eas fühlts enk wohl und seids geara da,
drum schiaßa mar enk iatz no a Scheiba durchcho.

Wilhelm Karin / Gurnau 142a

Wo macht ma geara Urlaub, weil da isch alli eppas los und sein viele Leit?
In Mallorca natürlich, deas isch mitm Flugzeug ou gar nit so weit.
Da scheint d'Sunna und es isch fein warm,
und o abseits der Touristenpfade hat dia Insel uanfach an Charme.
Im Gegensatz dazua ischas in Ischgl recht kalt,
aber zum Opening gehat d'Karin geara, deas hat halt a Gwalt.
O nit untätig war di Karin beim Haus,
im Kellergeschoß schaut die Karin iatz durch nuie Jalousien durchaus.
Bleib so aktiv, iatz für die a Scheiba,
miar versuacha sie wirklich weit außa zum treiba.

Fam Kurz Julia Alexander / Gurnau 117c/Top 2

Huiru hatts ausnahmsweise kua nuis Auto geiba,
Dafür hat ma enk gseicha mitm Fliagr vom Boden abheiba.
An traumhaften Urlaub in Dubai gmocht,
Dabei super gessa und sicher viel glocht.
Bei die Kinder mit Unterhaltung nit spora,
Ma Sicht enk öfters ins Kino oa fohra.
Des gfollt ihna sicher richtig guat,
Iatz houl mar nou enkr Scheiba aus dr Gluat!

Fam Carpentari Reinhard Marlies / Gurnau 117c/Top 1

Beim Reinhard und der Marlies tian mar fascht alla Jahr eppas hetzigs derfraga,
weil seit nuieschtem tian sie iatz die Paznauner Fisch toll plaga.
In Galtür weard gessa was ma so derfischt,
mir hoffa nu dass enk nit zu viel entwischt.
Zum Dahuam ausraschta braucht ma feine Couch zum drauf hocka,
nu wenn ma alles nachmessa geat haut`s uan fascht aus die Socka.
Gott sei Dank isch so a Haustür glei abmontiert,
und mit enkere starka Buaba durchn Stock durchmanövriert.
Auf dass enk in Zukunft so an Stress nit so schnell wieder passiert,
enk iatz no a Scheiba bis zum Bach ocha marschier!

Carpentari Lukas / Gurnau 117e

Beim Lukas draht sich viel um's Studium im Leba,
ou er woas, ohne Fleiß tuat sich nix drgeiba.
In letzter Zeit hat er sich gwidmet seiner Doktorarbeit,
bis zum Ärztealltag isch's also nimmer allzuweit.
Nebenbei bildet er sich ou praktisch fort,
mittlerweile war er in fast allna Krankenhäuser schua vor Ort.
Des uan oder andere tuat sich ou im Liebesleiba,
a paar romantische Tagla in Paris mitm Schatzli hat's geiba.
Lieber Lukas, mir hoffa dir geats guat soweit,
auf dass die nächste Scheiba ausi fliagt ganz weit.

Fam Carpentari Reinhard Eva / Gurnau 117e

Aktiv sein, deas isch dar Eva und im Reini wichtig,
deas isch natürlich löblich und sicherlich o richtig.
Ab und zua veranstahta sie an Spieleabend mit ihre Freind,
so eppas gibt's gar numma oft heint.
O ins Kino giahn dia zwoa geara,
dia lossa sich nit vum Popcornrascheln anderer Besucher steara.
Gemeinsam mit die Kinder hoba sie an Escape-Room bsuacht,
deas isch richtig spannend, und manchsmal isch die Lösung wia verfluacht.
Seids weiter aktiv, so kann ma was erleba,
dia Scheiba vu enk sollt ganz weit in Himmel aucha streaba.

Carpentari Laura / Gurnau 117c/Top 3

Die Laura hat sich huira an nuia Audi kouft,
Weil sie liabr weit fahrt als louft.
Den Sicht ma iatz olli bei der HAK dausa stia,
Wahnsinn wia schnell 5 Jahr uma gia.
Für die steht nämlich huira die Matura an,
Und damit bisch ou mitm Matura-Ball dran.
Alles in allem hosch damit huira a spannendes Jahr,
Mir wünsch lei des best des isch wohl klar.

Fam Carpentari Jürgen Sonja / Gurnau 117c/Top 3

Iatz bleiba miar stiahn bar Sonja und Jürgen auf der Soga gonz doba,
und tian nit schimpfa, sondern amol loba.
Der Jürgen muass als Verkaufsleiter in Westösterreich ummakutschiera,
derweil tuat d'Sonja ihre Patienten mit guata Salbla einschmiera.
Und sogar als Fuassballtrainer hat der Jürgen ou nou am Weg,
dafür lossa miar für enk nou a Raketa zweg.

Müller Barbara / Gurnau 145

A so a Mißgeschick, deas isch nia schian,
schu gar nit wens passiert beim inkoufa giahn.
Da hat sich die Barbara nämlich s'Bantli grissa,
deas isch nit fein und nervig, wia viele wissa.
Um so schianar ischas, wenn uam nocha die Nachbora helfa und Socha mocha,
da fallts uam glei leichter, wieder zum locha.
Pass im negschta Johr a bissli besser auf,
da hauha mar iatz an Böller drauf.

Sailer Gerhard & Brigitte / Gurnau 144/Top 2

Dia Scheiba tia mar weit außatreiba
gsund sett dar Gerhard und d'Brigitte bleiba.
A bissli öfter unter d'Leit kanntets giah
Des war für ins Grafer und Gurnauer bsunders schia.
Bleibts ins so wias seids,
dafür schiaßa mar a Scheiba ganz weit.

Pekar Manfred und Sabine / Gurnau 144/Top 1

O wenn ma viel arbeitet sucht ma sich immer sei Zeit,
für wichtige Socha, für andere Leit.
Dar Manfred und die Sabine mocha bei der Polizei viele Dianst,
deas isch o wichtig, damit o eppas verdianst.
Aber Zeit für die Enkel neaham sich die zwoa alli geara,
es isch mit nix zu bezahlen, kann ma so a Kinderlocha heara.
Aber o anderes isch wichtig, zum Beispiel die Fuaßball Weltmeisterschaft,
iatz hat dar Messi es endlich zum Weltmeister gschofft.
A feins Johr winscha mar enk zwoa,
und schiaßa a Scheiba durcho.

Pfeifer Martin / Gurnau 142c

Nit lei bei ins ischas im Oberland idyllisch und schian,
sondern o über Imst, da nennt sichs Gungelgrün.
Det hat dar Martin a Freundin gfunda,
und isch dementsprechend o häufig da tunta.
Arbeita tuat dar Martin als Mechaniker in Tösens douba,
fleißig isch er, da mias mar ihn louba.
A Scheiba hola mar für di ausm Fuier,
a feins Johr winscha mar Dir huira.

Fam Pfeifer Karl Brigitte / Gurnau 142c

Die Kreativität isch wichtig in deam Haus,
die Brigitte lebts deas ja beim Mola aus.
Aber ou dar Karl hat a nuis Hobby entdeckt,
er hat eppa gmekrt, dass da no eppas in ihm steckt.
Schnitza tuat dar Karl ganz feine Socha,
deas isch abwechslungsreich und ma kann an Haufa mocha.
Dass enk der Gestaltungsdrank nit ausgeht,
ma iatz an Böller bis Graf ausa heart.

Fam Öttl Wolfgang Christa / Gurnau 142b/Top 1

Beim Wolfgang und bei der Christina ischas ums Haus alli sauber und schian,
da kanntasch bald muana, dass sie nix anders tian.
Aber für a Dorf isch so eppas natürlich guat,
weil deas im Ortsbild alli guat tuat.
Um sich vu dar ganzen Arbeit guat erholen zum kenna,
sieht ma die zwoa oft in der Gegend umadum renna.
A guats Johr 2023 winscha mar enk,
und schiaßa a Scheiba weit außa mit am Schwenk.

Württembergiger Paula / Gurnau 142/Top 2

Die Paula isch natürlich fit,
drum geahnts sie o bei die Heilige 3 Könige mit.
Dia Kinder braucha a Begleitung, und kenna nit alluan uma giahn,
deas isch als Aufgab sicher schian.
Oft kenna mar di da numma seacha,
Du wohnscht eppa gar numma da in dar Neacha?
A Scheiba für die geahnt ind Nocht,
vielleicht, dass sie o in Innsbruck no an kurzer Blitzer mocht.

Fam Württembergiger Claudia u. Armin / Gurnau 142/Top 2

Bei der Claudia haba miar Huira nit so viel derfragt,
drum wearsch iatz ou it so lang plagt.
Aber den Armin secha mar oft in der Kircha aufm Bankli hocka,
nu manchmal tuat ihn der Norri ou zum arbeita ausi locka.
Wenn der Pfarrer amal nit umma isch,
liesst halt der Armin dia Prädigt vorna bei dem Tisch.
Dass die überall weiter so guat tuasch ongagiera
lass mar iaz a Scheiba maschiera.

Landerer Franz / Gurnau 142/Top 1

Da Franz hat ja viele Jahre a Autohaus bsessa,
die liebe zum Auto weart ma wohl nia vergessa.
So hat er sich im letschta Jahr a nuis Auto kouft,
da isch ma viel unterwegs, ma muas ja schaua ob deas guat louft.
Zum Beispiel zum Stammtisch kann ma damit fohra,
und so in Kontakt zu alte Bekanntschafta wohra.
Miar winscha dar alles guat und Gesundheit,
die Scheiba fliaht außa für di ganz weit.

Fam Marth Edmund Helene / Gurnau 140

Viel in d'r frische Luft, sall isch kuan Frog
dös isch der Edi und d' Helen jeden Tog.
D' r Edi draht seini große Runda
D'r weil verbringt d'Helene mit da Enkala ihre Stunda.
D'Helene tuat dös ollas arrangieren
und nebenbei ou ins Paznaun kutschieren.
D'r frog tuat ma von dena Nachborn halt ou nit viel zum schreiba,
ober was miar d'rfür kenna, a RAKETA zur Scheiba auffi itreiba.

Fam Schultes Hubert Brigitte / Gurnau 139

Die Scheiba isch außi weit und schian,
iatz bleiba m'r beim Hubert und der Gitti stiahn.
Von enk war sicher leicht eppas z'schreiba,
wenn ma grad wisst wo`s enk tiats umchatreiba.
Mir gloaba ja eas seids alli auf der Zammer Alm,
weil die Mitzi und der Harry es dert guat kann.
Damit m'r neagscht's Jahr haba wieder z'berichta an haufa Sacha,
lassa m'r no an Böller kracha.

Vogt Herta / Gurnau 141

Die Herta tian m'r in Gurnau gar numma oft entdecka,
wo tuasch die denn du alli verstecka?
Mit der Irene sieht ma die öfters überall andersch spaziera,
und dabei sicherlich s'oune oder andere G'schäftli inspiziera.
Hoffentlich tuasch die n'egschts Jahrt wieder viel unter die Leit umchatreiba,
und mir tia für dei G'sundheit no an Böller anreiba.

Vogt Irene / Gurnau 141

Was sell mar über die Irene groß schreiba,
sie tuat sich mit der Herta im ganzen Land uma treiba.
Ma sicht enk fleißig spaziera gia,
Im Summer bleibt kua Schwammli im Wald drin stia.
Dahuam weart glei a Gulasch draus gmocht,
beim Festschmauss hobats noch laut glocht.
Mir hoffa es kennats nou lang so weiter mocha,
Zum Schluss lass mar jz nou an Böller laut krocha.

Fam Larcher Mathias u. Simone / Gurnau 138a

Dr Mathias hat`s jetzt endlich vollbracht,
er hat a Dachli über sein Wohnwaga bracht.
A wunderschönes Car-Port isch es gwora sall isch wohl wahr,
iatz mecht er halt no wissa was es kostet, abgesehen vo viela graua Haar.
Auf an Mathias isch bei ins immer verlass ganz gewiss,
außer er spürt im Rugga wider so an starka Riss.
Aber mit der richtigen Therapie
haut des schua wider hie.
Viele schöne Toura sollts es mit eurem Wohnwaga hoba,
a Scheiba tia mar dafür bis vor nuia Schupfa schloga.

Fam Larcher Peter Margret / Gurnau 138

Den Peter secha mir iatz recht oft spaziera und deas ou nou schnell,
sogar mit Steckka, weil sall isch guat für`s Gstell.
Ob Winter oder Summer, er sich alli beim gian,
und ab und zua bleibt er gera auf an Ratscher stian.
Die Margret isch alli fleissig beim rota Kreuz,
weil die hungrige Kundschaft dia gfreits.
Di Pension muaß ma mit vollen Zügen auskosta,
damit uom dabei nit die Knocha inrosta.

Fam Schütz Egon Sissi / Gurnau 143

In Egon hat im Sommer a nuis Auto angelocht,
und dabei wahrscheinlich an Fehlkauf gmocht.
Nach ma halba Jahr wirds ihm langsam klar,
sei nuis Auto isch nit ganz es Wahr.
Es klappert und Platz sei ou nit gnug,
vielleicht gibsch es am beschta zrug.
Sonst hat's Egon oft ket ganz ruhig dahua,
weil die Sissi hat miasa für a Woche im Spital liegen ganz allua.
Besuchen war nit erlaubt so hat er daheim bleiben miasa,
du warsch sicher total traurig und toll am verdriassa.
Gott sei dank isch iatz wider alles guat
Dafür holla mar enk a schiani Scheiba aus der Gluat.

Huber Gabi / Gurnau 137

Die Gabi hat Huira a morz Projekt am loafa kett,
mit a so am groassa Dach isch es halt a gfrett.
Da hat ma halt iatz miassa a bissla saniera,
und dafür hat der Nachbar därfa den groassa Boam ummontiera.
Gott sei Dank hasch epparn gfunda der dir dabei glei g'holfa hat,
und hat dafür glei dia Motorsaaga anglatt.
Auf deis dass mar negstch Johr mia zum Schreiba hoba,
tia mar no die Scheiba weit ausa schloga.
Mir hoffa du tuasch ins nou lang gesund bleiba,
und desswega tian mar dir iatz dia Scheiba weit aussa treiba.

Fam Rainalter Ekehardt Hella / Gurnau 136

Der Ekki tuat sich auf an harta Winter vorbereita,
und alle Holz LKW zu ihm Dahuam umleita.
Mir wissa iatz nit ob in seim Garta,
kannt nägschtes Jahr a Fernheizwerk durchstarta.
Bei so am riessen Haufa Holz braucht sogar der Ekki an starka Mann,
weil deas isch zu viel dass ma es alluan schaffa kann.
Die Hella isch ou alli fleissig beim Legga macha,
und hat halt sinsch nimma viel Zeit für andere Sacha.
A nuies Boot hat sich die Hella auf Weihnachta koaft,
lei blead dass sie es schieba muass, weil der Motor nit loaft.
Iatz loss mar zum Trost no an Böller knolla,
miar hoffa, deas Boot hot dir trotzdem gfolla.

Scheiber Michael / Gurnau 112b

Dr Michael unser fleißiger Student,
findet iatz langsam an der Uni sei End.
Da Master will er des Jahr no absolviera,
hoffentlich derfa mir dir nocha glei gratuliera.
Gflouga isch er dafür in die USA für a halbes Jahr,
und gelandet isch es bei minus 30C° eh klar.
Da hat er viel gschaftt bei dena Temperatura,
zum Beispiel a Experiment im Labor mit ara Mura.
Sein Koffer hat er verloren am Flug huam,
seine 50kg sein blieben in Amsterdam.
Gemerkt hat er des erst in Wian,
so hat er miasa als erstes neue Unterhosen koufa gian.
Dahuam in Gurnau hat er o kua Zimmer mia,
dafür darf er bei seina Briader auf der Baustelle stia.
Mit viel Gelassenheit und Ruhe wird dir sicher alles gelinga,
dafür lassa mar a Scheiba weit in Nachthimmel singa.

Scheiber Markus & Sonja / Gurnau 112b

Spatestens iatz darf mas verrota,
der Markus und die Sonja haben sich traut zum heirota.
Dazua mechta mr recht herzlich gratuliera,
dafür sell a Raketa in Himmel aui marschiera.
Des komplette Programm hat's geba,
recht habat's, des gibt's ja lei ua Mol im Leba.
Zuerst in Landeck beim Standesamt,
und nocha isch ma no fein zomghockt mitnond.
Kirchlich war's nocha in Bludenz soweit,
da hot enk no offiziell der Pfarrer gweiht.
Die anschließende Feier haba sie in Frastanz verbrocht,
gmiatlich, fein war's und decht ou a bissli hot's krocht.
Mir hoffa, es habt's es kenna im Ländle no geniassa,
long dauert's numma, nacha weart's Zeit zum verdriasa.
Der Markus und die Sonja wera wieder ausm Ländle abhaua,
wer's no nit mitgriagt hot, sie hoba schua ongfonga dahuam aufz'baua.
S'uanzig, des Pendla auf Bludenz in die Arbeit weart bleiba,
kann aber schlimmer sein, es habat's des Ländle ja alli kenna guat leida.
Liebes Brautpaar, mir wünsch enk viele Nerva fürn nuia Bau und für die Zukunft
lei s'Allerbest,
dafür hau mar a Scheiba in Bichl ocha no ganz fest.

Scheiber Peter / Gurnau 112b

Der Peter tian ma in insrer Runde recht herzlich Begriassa
und vielleicht a Raketa aucha schiassa.
Er isch bei der Eisenbahn sowas wie an Disponent,
wenn was isch, kimt er glei grennt.
Dia Lokomotiva miassa fohra kenna jeder Zeit,
für dies isch der Peter stets bereit.
An Hausumbau muass er oh no mocha
Und da lat ers ganz nett krocha.
Beim Hausumbau gibt's olli komplizierte Socha,
doch du nimsch es mit einem Loch.
Des Heisli tuat nit bei ins da stiahn,
mir hoffa, dass da deswega nit vu der Fuiwehr tuasch giahn!
A Mädli hasch ou bei der Hand,
mit dera ou ziachsch durchs gonze Land.
Schreiba kannta man o an haufa Socha,
ja, da hatta ma sicher was zum Loch.
Dia Scheiba aus der Gluat,
dass sie weit aussafliga tuat!

Scheiber Robert / Graf 125/Top 4

D'r Robert inser Fuiwehrkolleg well ma „Hallo“ sog
und dir a Bierli uma troga.
Iatz lega ma a Scheiba in'd Gluat,
dass sie socha schian brenna tuat.
Du hasch des Fische für di entdeckt,
da kansch den Stress dabei vergessa,
wenn an Fisch den Kopf dir entgega streckt,
darweil du dia Ruata zammenstecksch.
Uan bis zwoa Fischla wearsch schua fonga,
lass da sog, am Beschta sein di Wonga.
Sindscht bisch lei beim Arbeiten von früh bis spät,
dass sich nix anders mehr ausgeht.
Auf deina Baustella muasch olli an Haufa organisiera,
damit des Zuig ou nocha am negschta Tag tuat funktioniera.
Weil ma will ja nocha betoniera.
A Garage mehtesch huira bei dir Doahoam baa,
da gloab i kenna ma ganz auf die Handwerk vertraua.
So Robi iatz ischs soweit,
mir hoffa du bisch zfriada und di hats guat
und drum fliagt dia Scheiba mit ara schiana Gluat.

Scheiber Helmut Martha / Gurnau 112b

Beim Heli wird's zeng im Haus,
weil der Markus und Sonja gia bold amol ein und aus.
So wird deas Häusli nit lei renoviert
sondern ou glei a nuie Etage spendiert.
Deas Bad wird dabei ou saniert
mit ara Fußbodheizung isch nochä für' Martha a Wellnessoase garantiert.
Dass die Baustelle tuat guat gelinga
tia mir enk die Scheiba weit außaschwinga.

Fam Grießer Hubert Rosmarie / Gurnau 112a

Dia Scheibasell weit außa schwinga,
Di Rosi und dr Hubert tia am liabschta di Zeit mit ihra Enkala verbringa.
Sogor in Urlaub auf Südtirol wora si mit dabei,
so an Familienurlaub isch für olle fei.
Drweil Oma und Opa aufpassa auf di Buaba,
kenna du Junga eppas unternehma oder amol ruaba.
Zum Haja halfa konn ma da Hubert ou olli froga,
am Liabscha tuat er Schlepper fohra mit'm volla Lodewoga.

Schmid Thomas & Juen Steffi / Gurnau 115/ Top2

Der Thomas hat kua ruhige Minuta, den tuat ma auf alle mögliche Hochzeita
sichta,
des isch guat für ins, nochä gibt's was zum Dichta.
Beim Fußball hat er sich für uan Wechsel ins Paznaun entschieda,
schadet sicher nit a paar berufliche Connections schmieda.
Sportlich will er mitm Alter gian,
weil da drin tuat ma mia essen und trinken als am Fußballplatz stia.
Ou beim Schifohra will er's wieder mal wissa,
an extra longa Schi zum SuperG fohra hat er sich untern Nagel grissa.
Beim Bindung montiera hat er sich miasa ploga,
hot's ihn decht mit der Bohrmaschin a bissli verjoga.
Iatz sitzt die Bindung leicht schief am Schi drauf,
aber halb so wild, bei deiner Schifahrtechnik follt des gor nit auf.
Sinst spornt ihn meist sei Freundin zum Reisen an,
letzten Sommer war an Urlaub in der Karibik dran.
Die Arbeit beim Hofer isch ou no nit langweilig gwoara,
über an obligatorische Aufenthalt im Ausland freit er sich schua über beadi Ohra.
Auf dass ou huira wieder alles wunderbar tuat gelinga,
loss mr a Scheiba no weit ausi singa.

Schmid Daniel / Gurnau 115/ Top2

Iatz hol mar a bsundrigs schiane Scheiba aus dr Gluat,
Mir hoffa enk und der Clara geats richtig guat.
Die Frage nach der Freizeit Beschäftigung stellt sich da nit,
Dia zwoa Kluane holta enk fit.
Aber dass dr Daniel nit ganz ums Skifahren umfällt,
hat er iatz dem Julius die Ski angeschnallt.
Bei ma gelernten Skilehrer kann des lei an Rennläufer weara,
Er hat zumindest viel Spaß dabei wie mir sou heara.
Zum Schluss wella ou mir enk zum Familienzuwachs gratuliera,
Drum lassa mar iatz a Rakeita in Himmel au marschiera.

Fam Schmid Harald Angelika / Gurnau 115/ Top2

Dia Freizeit nutza d' Angelika und der Harald, wie ma sieht,
und schaua, daß sportlich olli eppas g'schieht.
Mitm Radla mocht der Haral mit Kollega oft greaßari Runda,
und tuat dabei s'letsch Jahr Frankreich und Spanien erkunda.
Gfohra isch er vo uam groaße Meer bis zum Ozean
Do muasch grad losna, deas isch an Wahn.
Do gibt's natürlich ollerlei Routen zum fohra,
schiani, longi oder kurze , wo ma kann Kilometer spora.
D'r weil miar d'Scheiba im Fuir drin brota,
setsch ins holt ou nou die Kilometer verrota.

Fam Schmid Helmut Linde / Gurnau 115/ Top1

Zearsch tian miar der Linde zum 80iger gratuliera und lossa ou RAKETA
marschiera.
Daß sie Schifohra und in den Berg wondera kann,
schofft sie sich olli die Regiokarte on.
Lei nit lugg lossa, sagt die, dös isch gwies
Drum isch d'Linde ou mit'm Radla am Ries.
Der Helli schaut schua drau,
daß der Sport nit ausgeht seiner Frau.

Juen Anna-Lena & Bergmann Benjamin / Graf130a/Top3

Die Anna Lena muas momentan viele einsame Abende verbringa,
weil dar Benni darf zur Zeit vor Montage die Brötchen huam bringa.
So muas er buggla oft über a Wocha am Bau,
und daheim wartet ganz sehnsüchtig sei Frau.
Nachdenken tiats o schua über euer eigenes Haus,
leider isch die Bürokratie bei uns echt ein Graus,
aber in a paar Jahr schuat`s hoffentlich schua guat für enk aus.
Dass eure Pläne ou alle gelinga,
soll a Scheibe weit ausi singa.

Juen Johannes / Gurnau 112/Top 2

In Johannes sieht ma immer mit seinem weißen Auto uma saussa,
und zwar am liebsten vo Kappl auf Gurnau aussa.
Dahuam muasch o mit halfa des isch kloar,
bei ara Bauraschaft brauchts a jede Hand des isch woahr.
Für die hola mar no a Scheiba aus der Gluat,
und hoffa dass sie weit fliega tuat.

Fam Juen Hubert Erika / Gurnau 112/Top 2

Di Erika arbeitet beim Bipa, des Outfit isch pink,
beim Regal inrauma und kassara isch si bsunders flink.
Der Umzug ins nuie Geschäft, do wor sicher an Haufa z'tia,
ober drfür hobt's es iatz im groß und volle schia.
Wenn du di Erika besser kennsch,
woasch, sie isch durch und durch an Familienmensch.
Oft fohrt si huam auf Flirsch und schau auf ihre olta Leit,
und für ihre Kinder nimmt si sich olli Zeit.
So a Johr bringt guate und traurige Tog, so isch des Leba,
ober bei dr Hochzeit von dr Julia und im Philipp hot's nu Freudentränen geba.
Der Böller krocht iatz bsunders laut,
do konn ma schua stolz sei auf so a hübsche Braut.

Juen Paula / Gurnau 112/Top 1

Dia Scheiba tian mar weit ausitreiba,
g'sund set d'Paula nou long bleiba.
Oll Tog gibst sicher eppas zum d'rleba,
drum weard's bei diar kua Longweile geiba.
Dir sett deas neue Jahr viel Gesundheit bringa,
drum lass miar zur Scheiba ou nou a Raketa springa.

Fam Wiedenegger- Siegele Christian Angelika / Gurnau 114b

Den Christian sieht ma im Kaunertal alli fleissig beim vermessa,
da kann ma schu amal aufs Mittagessa vergessa.
Fleissig isch ou die Geli in der Fria mitm Jakob zu Fuaß,
und nia zu gestresst für an netta Gruaß.
Mir hoff aeas habats wianigschtens zum Kiachla essa gnuag Zeit,
weil da hatt die Fuirwehr a rießen Freit.
Zum Schluß wera miar enk 3 no a Scheiba ocha schloga,
vielleicht wissa miar nächst Jahr epas nuis zum Soga.

Siegele Ruth / Gurnau 114b

Bei der Ruth sein mir alli ganz froa,
dass sie ins die WhatsApp weiterleitet, weil deas sein ja nit lei uan oder zwoa.
Du muasch deiner Tochter deas amal genau zoaga,
nacha miass mar nit alli die ploga.
Mir sein ja froh dass di mit der modernen Technik so guat auskenna tuasch,
damit die Geli sall nit ou nou muass.
D' Fuirwehr wünscht dir a schiane Zeit
und die Scheiba iatz ochageht gonz weit.

Autohaus Maschler / Gurnau

A Scheiba lossa miar enk weit ausafliega,
weil beim Autohaus Maschler kannsch viele Modelle kriega.
Ob Seat, Mitsubishi, Fiat oder MG es isch alles dabei
ob Benzin, Diesel oder "E" deas isch allerlei.
Dass deas Gschäft huira ou gut floriet,
D' Fuirwehr enk iatz a schiene Raketa spendiert.

Fam Juen Klaus Anna / Gurnau 115b

Vom Klaus und dr Anni tia miar nit viel dr'frog
trotzdem wella mir enk die Scheiba weit ausaschloga.
Mit'm Steckta sieht ma in Klaus gelegentlich giah
und so bleibt er do und et amol stiah.
Mir winscha enk Gsundheit fürwahr,
an Böller iatz für enk krocht, eh klar.

Thöni Maria / Gurnau 115a

Iatz lass mar mal an Böller laut krocha,
Huira hom mar die wiedermal gseicha in Gurnau aus dem Fenster locha.
Dausa isch dir leider a kluans Malör passiert,
Drum hoba sie dir quasi die Reha in Gurnau spendiert.
Hoffentlich war die Genesung bei ins da richtig guat,
Mir houla iatz die Scheiba nou tief aus der Gluat.